



MINISTRY OF INTERNAL AFFAIRS

Department of Urban Affairs and Planning
Republic of Vanuatu

MINISTÈRE DES AFFAIRES INTÉRIEURES

Département des Affaires Urbaines et de la Planification
République Du Vanuatu



Private Mail Bag 9106 PORT VILA Tel: (678)22500 VOIP: 3171

PRES RILIS

FOSHO DEVELOPMEN AKT

Dipatmen blong Eben Afea mo Planing (DEAP) i stap implementem Fosho Developmen Akt (FDA) raon long kaontri.

Akt ia i kam blong gaedem olgeta developmen long olgeta difren kostol eria, pot mo haba insaed long kaontri.

Fosho Yunit, anda long DEAP, hemi responsibol blong lukluk mo kontrolem olgeta developmen long olgeta kostol eria anda long Fosho Developmen Akt (Cap90).

Sinia Fosho Developmen Ofisa, Robinson Dickson i talem se folem olgeta longfala developmen we oli stap hapen kwik raon long kaontri, hemi nid blong mekem wan kwik inspeksen blong evri divelopa oli folem Akt ia.

Mr. Dickson i eksplenem se fosho i minim lan andanit long eria we solwota i kasem mo bed blong solwota insaed long teritorial wota blong Vanuatu (inkludum olgeta pot mo haba) mo inkludum mak blo eria we solwota i kasem taem i kam sho, long eni lagun we i gat daerek akses long open solwota.


“From risen ia, lis holda i no entaetol long fosho lan mo mak blo eria we solwota i kasem taem i kam sho from hem i blong kastom ona, mo kastom ona i mas givim konsent long eni divelopmen”, hem i kontinu blong talem.

Fosho Yunit i notisim se plante divelopa oli no karem konsent blong lan ona mo oli nogat Fosho pemit. Hemia hemi agensem Fosho Developmen Akt.

Hem i enkarejem evri divelopa raon long Vanuatu blong kam mo aplae from fosho pemit long DEAP ofis, we i stap long Ministri blong Intenol Afea o go long websaet blong ofis long <https://duap.gov.vu>

Yufala i save karem olgeta fom long DEAP ofis o long olgeta Eria Konsel. Aplikesen fi hemi 20,000vt long Dipatmen blong Faenans, mo jeklist i rikwaerem se afta long hem bae gat visit long ples blong developmen, mo Fosho Advaeseri Komiti (FAK) bae karemaot proses blong skringing, mo wet long Minista blong apruvum pemit.

Eniwan i brekem loa ia, hemi wan ofens sipos hem i nogat pemit o hemi no rispektem olgeta kondisen, mo hemi save pem wan faen we i no bitim 5,000,000 VT, o 5 yia long kalabus.


Robinson Dickson
Foreshore Development Officer

